



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

10 d Gordianus vnd Epimachus Märterer.

urn:nbn:de:hbz:466:1-41449

zu Christo beköhret vnd getaufft / der zuuor Suetonius
 in der Haydenschafft hiesse. Diser gab den Armen sei-
 ne Güter nach dem Euangelischen Rath / vnd zoge
 gen Rom / da er von dem Obersten Apostel Petro / inn
 Christlichem Glauben gesterckt / vnd am vierzigsten jar
 seines alters / zum Priester geordnet ward. Von dan-
 nen kam er mit einem Diacon in das Schweizerland /
 prediget Gottes wort / vnd thet grosse Wunderzeichen /
 beköhret auch im Land vil Menschen zum Christlichen
 Glauben. Dieweil er aber nach einem Einsidlichen
 leben trachtet / begab er sich von dem Volck / fahz vber
 die Aar / vnd thet sich zu dem Thuner See / gieng da-
 selbst weyter durch hohe Berg in ein verborgene hohlen /
 vertrib auch mit seinem Gebett einem grawsamen Tra-
 chen / vnd dienete GOTT allein mit aller andacht. Sein
 speisz nam er von den Wursten vnd Kreutern / asse selten
 duucken Brod / betrachtete nur das Göttliche vnd ewige.
 In solchem strengen heyligen Leben / blieb er bis auff das
 90. Jar seines alters / starb endlich am Fieber / im jar
 des Herren 112. Leuchtet mit vilen Wunderzeichen /
 vnd wirdt sein Capel / so zu S. Batt heisset / noch heutt-
 ges Tags von vilen andächtigen Christen besucht vnd
 geehret.

d vj. Idus Maij.

Der X. Tag im Mayen.

Best ist der Tag des heyligen / gedultigen vnd be-
 rhümbten Propheten Job / von dem Stammen
 Esau geboren / vnd der fünffe in der Geburt von
 D iij Abra-

Malus

Abraham/ ein mächtiger/ reicher / vnnnd darneben ein
fältiger vnd gerechter Mann/den GOTT selbs gelobet.
Hat güt vnd böß auff Erden wol erfahren: als der auß
einem reichsten vnnnd glückseligsten / bald der aller ver-
lafnest vnd ellendest ward/ noch künde er sagen: Der
HERR hats geben/ der HERR hats genommen/wie es
dem HERRN gefallen/ also ist es geschehen. Der Nam
des Herrn sey gebenedeyet. Vnd so er mich auch tödtet/
noch will ich in ihn hoffen. Im 36. jar seines alters/
ward er vom HERRN streng versücht siben Jar lang/
ein lebendiger Spiegel der Gedult. Hat darnach ge-
lebt 140. Jar in grossen glück / ist endlich im 183.
jar seines alters/ zum HERRN gefahren.

Item des heyligen Propheten Noe / der gerecht vnn-
der allem sein Geschlecht/ ja ein Prediger der gerechtig-
keit/wie S. Petrus sagt / der zu seiner zeit GOTT al-
lein gefälliger war / dann die ganze Welt: Ein rechte
Figur Christi/der vns durch das Holz vnd die Arch von
dem Sündflus/ ja von der ewigen Verdammus erlöset.

Item zu Rom / der Geburtstag der H. Marterer
Gordiani vnd Epimachi. Gordianus war ein Richter
vnd verwalter des Kayfers Julians / vnd von dem heyl-
ligen alten Priester Januario beköhret / sampt seiner
Hausfrawen Marina / vnnnd allem Hausgtsind (de-
ren anzahl 53. waren) da er denselben Januarius inn
seinem Haus gefangen hielt. Darumb ward Janua-
rius ins ellend verdampft: Gordianus lang mit Blei-
kolben geschlagen/ vnd endlich endehauptet. Marina
aber ward dem Bawrendienst zugeaignet. Epimachus
ist am 12. tag Christmonats zu Alexandria getödt/vnd
sein Leib von den Glaubigen gen Rom geführt/vnd mit
S. Gordiano begraben worden.

Anno Dñi
366.

Item

Item auch zu Rom/ des heyligen alten Priesters
 Calepodij / welchen der Kayser Alexander mit dem
 Schwert hat lassen tödten / auch seinen Leib durch die
 Statt schlaiffen/ vnd in die Tyber werffen. Anno Dñi
 230.
 Zu dersel-
 ben zeit/ ist auch enthauptet worden der Römische Bür-
 germeister Palmatius sampt Weib vnd Kindern/ auch
 ander 42. bayderley Geschlecht / vnder denen auch war
 der Rathsherr Simplicius mit seinem Hausgesind/
 vnd Felix mit seiner Hausfrawen Blanda / die von
 Papp Calixto getaufft seind worden. Ihre Häupter
 waren auß befelch des Kayfers für alle Thor der Statt
 Rom gehenckt/ zum schrecken der Chriſten.

Item auch zu Rom/ ist der Geburtstag der heyl-
 gen Quarti vnd Quinti / welche jehund zu Elwangen
 rühen.

Item in Frankreich/ in Bituricenser Landschaft/
 des heyligen Bischoffs vnd Beichtigers Palladij.

Item in dem Verastinenser Flecken/ des heyligen
 Beichtigers Martirini.

Item zu Pontizara des H. Priesters vnd Beich-
 tigers Guillelmi/ der ein Mann war grosser liebe.

Item der heyligen Junckfrawen vnd Marterin
 Chistine / deren Leib zu Panormio in Sicilia inn der
 Hauptkirchen begraben/ vnd mit grossen zulauff des
 Volcks geehret wirdt.

Item die erhebung der heyligen Marterer Cosme
 vnd Damiani / da sie gen Venedig inn S. Georgen
 Kloster gebracht seind worden. Anno Dñi
 1154.

Item die begräbnuß des heyligen vnd ehwürdi-
 gen Priesters Bede.

Item in dem Kloster Gemmula selige gedäch-
 nuß Beatrixs / welche im 20. Jar ihres alters ver-
 schiden. Anno Dñi
 1229.

D v

c Quin-